



# QUÆSTIO MEDICA,

QUODLIBETARIIS DISPUTATIONIBUS,  
*manè discutienda, in Scholis Medicorum,  
 die Jovis decimâ-nonâ Maii.*

M. FRANCISCO MAILLARD, Doctore  
 Medico, Præside.

*An mundus senescat?*

## I.

**M**UNDUS est omnium quæ creata sunt universa compago; pars ejus supera cælum, infera tellus; hæc aquis, illa sideribus adornatur: aër inter utramque medius est, ignis ubique fusus; hujus & illius multa varietas. Sydera fixa sunt vel errantia; dispares eorum facies, ortus & occasus, cœtus ac discessiones. Dividunt aquam maria, flumina, fontes; hujus incolæ pisces, aves aëris, animantia cætera terræ. Sic ordinatæ mundi partes ab initio stant integræ; si quæ corrumpuntur, non illæ pereunt, sed in novas mutantur formas prioribus non impares.

## II.

**H**ANC rerum mutationem regit spiritus *δημιουργός* mundo coævus senique purus: is non *ἀσώματος* quoquoersum diffunditur communis omnibus, singulis proprius; dispersa quæque colligit, confusa certo disponit ordine; cuncta fovet & intus alit viventia, parciore in metallis, copiosius in plantis, in animalibus Uberrimus; servat antiquos naturæ partus, caducos reficit, amplificat novos. Miraris

2

in hac universitate tenuissimâ spiritûs aurâ tot & tanta mo-  
veri corpora, Ventum inspicere, cujus impulsu tellus ipsa suc-  
cutitur; Ventus tamen spiritus est: quo quid igitur actuosius  
eo magis exors materiâ: Hinc spiritus παντοκράτωρ mole mi-  
nimus, virtute maximus; Virtus hæc annorum victrix eadem  
nunc est quæ quondam fuit. Olli quoque subjectam mate-  
riem nec in cælestibus attritam, nec in inferis rebus effectam  
reperias; adeò dives & inexhaustus naturæ fundus, quem ad-  
mirari aliquanto facilius est quàm penetrare.

I I I.

**S**USPICE fulgentes Cælorum globos, metire, si potes;  
San illi mutati loco, minuti lumine, potestate, spatio?  
nonne novæ nobis illuxerunt stellulæ? si quæ veteres evanue-  
runt, eas ne putes extinctas; Micant alio sub cæli curvamine  
forsan ad nos aliquando regressuræ. Solis & Lunæ conver-  
siones an aliæ quàm priscis temporibus? defectiones, maculæ,  
num majores, num frequentiores? ætus maritimi, dici no-  
ctisque vices, tempestates anni, numquid eodem sibi tenore  
succedunt quo sub incunabula Mundi? quem noverat an-  
tiquitas in hac inferiora Lunæ dominatum, nonne sentiunt  
& hæc ætate posterî? demùm, quæ nova martis & saturni  
congressio Morborum prænuncia, qui Mercurii, qui Veneris  
adspectus insolentes, quæ signa, qui cometæ feræ præten-  
dunt mundo faces? quæ tanta nunc imbrium multitudo κα-  
τακλυσμένη minitatur? quæ fulgura, quæ tonitrua præfagiunt  
astrorum deflagrationem?

I V.

**E**R R A T itaque toto cælo, qui cælum arguit senectutis:  
opus illud planè divinum lucet hodie quasi recens à con-  
ditore. Pariter aër, nec humoris nec caloris insiti jacturam fe-  
cit: Purus is affulsit primis parentibus; an nunc mutatus ab  
illo? si quando vitatur, semotis vitii causis, pristina restituitur:

3

indoli. Quin & ipse Ventus aëris *πνεῦμα & γέρας* nec deterior nec in salubrior longinquitate temporis; & ut olim nascente mundo, ita jam consistente fluida quæque perflat corpora, ne quiete computrescant; an sui defunt italis Favonii, Græcis *Επιζαυ*, Boreas Thracis? Porro, quid aquis decessit de bonitate? fontanæ, fluviales, an minùs leves, minùs limpidæ? an *Υδροφόροις* marinæ, Asthmaticis metallicæ minùs salutare? In rivis, lacubus, oceano, quæ piscium, quæ conchylium genera desidentantur? Terram, quæquæ calcatur, circumspice. Quid in montibus, quid in vallibus imminuit annorum series? nùm frutices, arbores? sed feliciùs hodiè seruntur, adolefcunt. Nùm ligna, radices, semina, cortices? sed in iis vires adhuc integerrimæ. Nùm fructus nostrates? sed hi meliores hâc ætate, quâ blandos ab hominè saporès mutantur, dum per varia arborum adulteria fiunt veriùs quàm nascuntur. Insuper, à multis retrò sæculis, an deterius avium pecudumque genus? Par eorum numerus, species eædem, carnes æquè *πολύτροφα*, *εύχρημα*. An Homines primi proceriores nepotibus? An robustiores, *ὕψιστα πτεροί*, Vivaciores? Statura corporum, vis, sanitas, eædem nostro tempore quæ præterito; Necdum patimur epitomen prisca longævitatìs. An fæminæ steriles hâc tempestate? nunquam nuptiarum messis uberior; Partus nunquàm frequentiores, feliciores: etiam quinquemestres aliquando vitales.

V.

**E**APROPTER, quæ splendet integritas in singulis mundi partibus, hæc cur universo mundo negabitur? Totus itaque durat hic Orbis semper antiquus, semper novus: Viget & spiritus nostratis anima mundi: Viget & humana gens in dies oculatior, solertior: Florent & artes innumeræ quæ quondam jacebant in gloriæ: Medicina, paucarum olim herbarum scientia, tam ambitiosa nunc est, ut in rerum dis-

quisitione modum nesciat, licet rebus omnibus modum ponat. Quot adimunt anni recedentes mala, tot secum ferunt venientes commoda, tot opes, tot remedia primis incognita mortalibus. Ne credas igitur ab illâ veterum naturam nostram deflexisse: communis hæc parens profert adhuc id quo radiant gemmæ, rutilat aurum, fulget purpura, micat electrum: populus abundè suppeditat, undè sua regibus aut dona ferant, aut tributa solvant, sabæis thura, scribis vellera, persis lapillos, indis aromata.

*Ergo mundus non senescit.*

Domini Doctores disputaturi.

M. Franciscus Faustus Al-  
liot, Medicus Regis ordin.  
M. Joannes-Baptista Dodart.  
M. Philippus Douré.

M. Amandus Douré.

M. Franciscus Gouët.

M. Nicolaus Brunel de la  
Carliere.

M. Alexander - Michaël De-  
nyau.

M. Claudius de Frades.

M. Abrahamus Theuart.

Proponebat Parisiis NICOLAUS ANDRY, Lugdunius,  
Baccalaureus Medicus. A. R. S. H. 1695.

---

Apud Franciscum Muguet, Regis & Facultatis Medicinæ Typographum.